

rent legatos, b seque coram mandata darent. Adclamaere vt filius Blæsi tribunus legatione ea fungeretur, peteretque militibus missionem ab sexdecim annis: cætera mandatuos vbi prima prouenissent. Profecto iuvene modicum otium: sed superbire miles, quòd filius legati orator publicæ causæ, satis ostēderet, d necessitate expressa, quæ e per modestiam non obtinuisent. Interea manipuli ante cœptam seditionem Nauportum misi, f ob itinera, & pontes, & alios vsus, b postquam turbatum in castris acceperere, vexilla conuellunt, direptisque proximis vicis, ipsoque Nauporto, quod municipii instar erat, retinentis centuriones h inrisu & contumeliis, postremò verberibus insectantur, præcipua in Aufidienum Rufum præfectum castrorum ira, quem direptum vehiculo sarcinis grauant, aguntque primo in agmine, per ludibrium rogitantes, an tam immentia onera, tam longa itinera libenter ferret? Quippe Rufus i diu manipularis, dein centurio, mox castris præfectus, antiquam, duramque militiã reuocabat, inuictus operis ac laboris, & eò immitior quia tolerauerat. Horum aduentu redintegratur seditio, & vagi circumiecta populabantur. Blæsus paucos maximè præda onustos k ad terrorem cæterorum adfici verberibus, claudi carcere iubet. Nam etiam tum legato à centurionibus, & optimo quoque manipulariũ parebatur. Illi obniti trahentibus, prensare circumstantium genua, ciere modò nomina singulorum, modò centuriam quisque cuius manipularis erat, cohortem, legionem,

## OBSERVATIONES.

a Per legatos omnia legitime aguntur.

b Ad militarem disciplinam pertinet, dare operam, ne quidquam exercitus agat, nisi coram, & præse, & si fieri potest, auctore imperatore.

c Multa & maxima petiturus obseruet, non omnia simul peti oportere; sed gradatim; atque ita vt, que facilius impetrari posse videntur, prius petat: que vbi prouenerint, tum demum illa, que difficilius obtineri possunt, tentare tendat.

d Tum maximè superbiunt homines cum, que abiecta modestia, per vim, sunt expressa, procedunt.

e Interdum necessitate exprimuntur que prius per modestiam obtineri non potuerant.

f Quam sepius apud veteres scriptores obseruari potest, ad militarem disciplinam & hoc pertinuisse, vt milites ipsi sibi itinera, pontes, aliaque eius generis, cuiusmodi sunt, ageres, vallum, fossæ, turres, aliaque conficerent, & reficerent, secus quam hodie fit, quippe ne miles otio corrumpere, patientia laborum durari eum oportere maximus quisque vir semper existimauit.

g Similes à similibus ad deterrima que eque facile impelluntur.

h Hi sunt gradus iniuriæ; inrisus; contumelia; verbera.

i Is demum qui cæteris præficiatur dignus est, non qui, vt hodie mos est, prius imperat, quam antea obtemperauerit, sed quem ab infimo ad supremos militie gradus propria virtus euexit. hic cerè quia labores militares aliquando tulit, cum quos ad bellum ducat, sunt, non corruptam, ac deprauatam, cuiusmodi cuperent ignaui milites, sed inuictus, scilicet, operis, ac laboris, antiquam, duramque militiam, cuius ope res maxime geruntur, reuocat.

k Seditione in exercitu coorta, dux, seu imperator in paucos animaduertere debet ad terrorem cæterorum. in quos autem animaduertit, ij esse debent, qui in eo scelere deprehensi sunt, cuius nulla, ne apud furentes quidem excusatio reperiri potest; exemplo Blæsi, qui præda onustos puniit, quia in eo peccatum esse aduersus disciplinam militarem inficiari nemo poterat.

eadem